



**Tajništvo/Sekretarijat**  
Hercegovačko-neretvanska županija Hercegovačko-neretvanski kanton  
Federacija Bosne i Hercegovine  
Bosna i Hercegovina

Dj. broj: 02-04-5297/22-1  
Mostar, 17.05.2022. godine

**Grad Mostar**  
**Stručna služba Gradskog Vijeća**  
**n/r tajnika Marije Soldo**

Poštovana,

u privitku akta prosljeđujemo Vam odgovor na vijećničku inicijativu postavljenu od vijećnika Harisa Nazdraića na 19.sjednici Gradskog vijeća Grada Mostara održanoj 29.03.2022.godine, zaprimljenu od Odjela za društvene djelatnosti.

S poštovanjem,

**GLAVNA SAVJETNICA**  
*Radmila Komadina*  
**Radmila Komadina**

Dostaviti:

1. naslovu
2. Tajništvu Gradonačelnika
3. arhivi



Klub vijećnika Koalicije za Mostar 2020

Gradsko vijeće Grad Mostar

Vijećnik Haris Nazdraić

Datum: 29.3.2022.godine

Shodno odredbama člana 28. tačka 2. Statuta Grada Mostara i člana 130, Poslovnika Gradskog vijeća Grada Mostara na 17. redovnoj sjednici GV Grada Mostara, održanoj 29.3.2022. godine, kao gradski vijećnik pokrećem inicijativu:


Prema Gradu Mostaru da nabavi i postavi montažnu binu uz sve potrebne tehničke uslove za održavanje različitih programa tokom cijele ljetne sezone na platou ispod Starog mosta.

### OBRAZLOŽENJE

Plato ispod Starog mosta će, nadamo se, u narednom periodu biti posve sadržajno uređen. U tu svrhu budžetom za 2022.godinu planirali smo stavku izrade projektne dokumentacije. Trenutno je u toku javni poziv za izradu idejnog projekta uređenja platoa ispod Starog mosta.

Dok se ne ispune uslovi da započne i sama realizacija projekta, obzirom na blizinu ljetne sezone molim da se obrati posebna pažnja na ovaj prostor. U smislu komunalnog okruženja, čistoće, sadržaja tokom cijelog ljeta. Zbog toga predlažem da se ovaj prostor stavi u programe za Mostar Open city, Mostarsko ljeto i sve druge sadržaje i na način da postavimo binu na kojoj bi se održavale dodjele nagrada za tradicionalne visinske skokove, za Red bull skokove, gdje bi se bina ustupala u komercijalne svrhe organizacije koncerata, svirki i različitih kulturnih programa čime bi se dodatno istakao potencijal Starog mosta i njegovog okruženja.

Haris Nazdraić



Odjel za društvene djelatnosti  
Hercegovačko-neretvanska županija Hercegovačko-neretvanski kanton  
Federacija Bosne i Hercegovine  
Bosna i Hercegovina

Broj: 06-04-5297/22-4  
Mostar, 11. 05. 2022. godine

**GRAD MOSTAR**  
**Tajništvo Gradonačelnika**

**Predmet:** Odgovor na vijećničko pitanje – Haris Nazrajić

Vijećnik Haris Nazrajić, na 19. sjednici Gradskog vijeća postavio je vijećničko pitanje, odnosno pokrenuo inicijativu „prema Gradu Mostaru da nabavi i postavi montažnu binu uz sve potrebne tehničke uslove za održavanje različitih programa tokom cijele ljetne sezone na platou ispod Starog mosta.“

Odgovor:

Ideja koju iznosite je hvalevrijedna, praktična i korisna. O sličnoj ideji razmišljamo od obnove Starog mosta. Međutim, plato ispod Starog mosta potrebno je reorganizirati, ali prije bilo kakvog početka reorganizacije treba imati u vidu nekoliko značajnih činjenica:

- Betonsko gledalište je jako udaljeno od bine i kako nema adekvatnog platoa za samo postavljanje bine, ista se mora postaviti na prostoru pored ulaska Radobolje u Neretvu.
- Zbog velike udaljenosti betonskih sjedišta i bine, ista mora biti dosta velika i to smatramo glavnim problemom u realiziranju programa na platou ispod Starog mosta. Između ostalog, to stvara i sigurnosne prepreke jer se između gledatelja i bine mora napraviti umjetna komunikacija koja omogućava tehničkim licima izvođenje programa.
- Nadalje, kompletan plato je jako nesiguran za gledatelje te se uvijek mora angažirati veliki broj zaštitara, a posebno veslača u kanoima koji su zaduženi za obalu rijeke. Svi ovi zahtjevi su enormno skupi i novac, umjesto na programe, troši se na tehničku pripremu terena tako da su u većini slučajeva programi daleko jeftiniji od tehničke pripreme.
- I na koncu, pristupni put kojim se dovozi tehnika nije u potpunosti vlasnički riješen jer je na jednom dijelu vlasništvo te parcele privatno.

Vjerujemo da će novim projektom o kojem pišete ovaj prostor biti adekvatno arhitektonski osmišljen da se ne bi nepotrebno trošila sredstva na tehničku pripremu programa.

**Načelnik**

**Božo Corić**

Dostaviti:

1. Tajništvo Gradonačelnika
2. Odjel za društvene djelatnosti
3. a/a